

全上古三代秦漢三國六朝文

全隋文卷四

烏程嚴可均校輯

楊帝一

帝諱廣一名英小字阿麼文帝第二子周末封雁門郡公開皇
元年封晉王拜柱國梓州總管尋授武衛大將軍進上柱國河
北道行臺尚書令轉淮南道行臺徵拜雍州牧內史令進太尉
復拜梓州總管徙揚州總管鎮江都二十年十一月立爲皇太
子仁壽四年七月卽位明年改元大業在位十四年爲字文化
及等所弑諡曰楊皇帝有集五十五卷

歸藩賦

北史八十三
楊晉傳佚

神傷賦

北史十四宣華
夫人陳氏傳佚

制

戰亡之家給復十年
大業十年七月丁酉

百官不得計考增級必有德行功能灼然顯著者擢之二年七月庚申

民間鐵叉搭鉤鑽刃之類皆禁絕之五年正月己丑

魏周官不得為陰二月庚子

父母聽隨子之官二月壬戌已上並隋書煬帝紀上

號果之家蠲免賦役九年八月甲辰

盜賊籍沒其家八月戊申已上並隋書煬帝紀下

贈獨孤隨詔初即位

外氏衰禍獨孤隨不幸早世遷卜有期言念渭陽之情追懷傷切

宜加禮命允備哀榮可贈正議大夫隋書獨孤傳

加贈獨孤隨詔

舅氏之尊戚屬斯重而降年弗永凋落相繼緬惟先往宜崇徽秩

復贈銀青光祿大夫隋書獨孤傳

贈諡豆盧毓詔仁壽四年八月

發顯名節有國通規加等飾終抑推令典就深識大義不顧姻親
出于萬死首建奇策去逆歸順殉義亡身追加榮命宜優恆禮可
贈大將軍封正義縣公賜帛二千疋諡曰愍隋書王
盧敏傳
贈諡皇甫誕詔仁壽四年

宸顯名節有國通規加等飾終抑推令典并州總管司馬皇甫誕
性理淹通志懷審正効官營務聲績克宣值狂悖構禍凶威孔熾
確殉單誠不從妖逆雖幽繫寇手而雅志彌厲遂潛與義徒據城
抗拒眾寡不敵奄致非命可贈柱國封弘義公諡曰明隋書皇
甫誕傳
手詔勞楊素仁壽四年

我有隋之御天下也于今二十有四年雖復外夷侵叛而內難不
作脩文偃武四海晏然朕已不天銜恤在疚號天叩地無所逮及
朕本已藩王謬膺儲兩復日庸虛纂承洪業天下者先皇之天下
也所已戰戰兢兢弗敢失墜況復神器之重生民之大哉賊諒包

藏禍心、自幼而長、羊質獸心、假託名譽、不奉國議、先圖叛逆、違君父之命、成莫大之罪、誑惑良善、委任奸回、稱兵內侮、毒流百姓、私假署置、擅相謀戮、小加大、少陵長、民怨神怒、眾叛親離、爲患不同、同歸于亂、朕寡兄弟、猶未忍及言、是故開關門而待寇、戢干戈而不發、朕聞之、天生蒸民、爲之置君、仰惟先旨、每曰子民爲念、朕豈得枕伏苦慮、顧而不救也、大義滅親、春秋高義、周旦已誅二叔、漢啟乃戮七藩、義在茲乎、事不獲已、是已授公戎律、問罪太原、且逆子賊臣、何代不有、豈意今者、近出家國所歎荼毒、甫爾便及此事、由朕不能和兄弟、不能安蒼生、德澤未弘、兵戈先動、賊亂者止一人、塗炭者乃眾庶、非唯寅畏天威、亦乃孤負付囑、薄德厚恥、愧乎天下、公乃先朝功臣、勳庸克茂、至如皇基草創、百物惟便、始匹馬歸朝、誠識兼至、亦部鄭州、風捲秋簾、荆南塞北、若火燎原、早建殊勳、夙著誠節、及獻替朝端、具瞻惟允、爰賜朕躬、已濟時難、昔周勃

霍光何日加也。賊乃竊據蒲州、關梁斷絕。公曰：少擊取，指期平殄。高壁據險，抗拒官軍。公曰：深謀出其不意，霧廓雲除，冰消瓦解。長驅北邁，直趣巢窟。晉陽之南，蟻徒數萬，諒不量力，欲猶舉斧。公曰：稜威外討，發憤于內，忘身殉義，親當矢石，兵刃鏖交，魚潰鳥散，僵屍蔽野，積甲若山。諒遂守窮城，公董率驍勇，四面攻圍，使其欲戰不敢，求走無路，智力俱盡，面縛軍門，斬將褫旗，伐轅柔服。元惡既除，東夏清晏，嘉庸茂績，于是乎在。昔武安平趙，淮陰定齊，豈若公遠而不勞，速而克捷者也。朕殷憂諒闇，不得親御六軍，未能問道于上庠，遂使劬勞于行陣，言念及此，無忘寢食。公乃建累世之元勳，執一心之確志。古人有曰：疾風知勁草，世亂有誠臣。公得之矣。方乃銘之常鼎，豈止書勳竹帛哉。功績克諧，哽歎無已。稍冷公如宜。軍旅務殷，殊當勞慮，故遣公弟指宣往懷，迷塞不次。

隋書楊素傳：漢王諒窮蹙，而降餘黨悉平。帝遣素弟修武公約，齎手詔勞素。

答史祥手詔

仁壽四年

昔歲勞公問罪河朔賊爾日塞兩關之路據倉阻河百姓脅從人亦眾矣公竭誠奮勇一舉剋定詩不云乎喪亂既平既安且寧非英才大略其孰能與于此邪故聊示所懷亦何謝也

隋書史祥傳
煬帝嘗賜祥

詩祥上表辭謝帝降
手詔又北史六十一

營東都詔

仁壽四年十一月癸丑

乾道變化陰陽所目消息治創不同生靈所目順敘若使天意不變施化何目成四時人事不易爲政何目釐萬姓易不云乎通其變使民不倦變則通通則久有德則可久有功則可大朕又聞之安安而能遷民用丕變是故姬邑爾周如武王之意殷人五徙成湯后之業若不因人順天功業見乎變愛人治國者可不謂然歟洛邑自古之都王畿之內天地之所合陰陽之所和控目三河固曰四塞水陸通貢賦等故漢祖曰五行天下多矣唯見洛陽自古

皇王何嘗不留意所不都者蓋有由焉或曰九州未一或曰困其
府庫作洛之制所曰未暇也我有隋之始便欲創茲懷徯日復一
日越暨于今念茲在茲興言感哽朕肅瞻寶厯纂臨萬邦遵而不
失心奉先志今者漢王諒悖逆毒被山東遂使州縣或淪非所此
由關河懸遠兵不赴急加曰并州移居復在河南周遷殷人意在
于此況復南服遐遠東夏殷人因機順軌今也其時羣司百辟僉
諧厥議但成周墟墜弗堪葺宇今可于伊洛營建東京便卽設官
分職曰爲民極也夫宮室之制本曰便生上棟下宇足避風露高
臺廣廈豈曰適形故傳云儉德之共侈惡之大宣尼有云與其不
遜也盛儉豈謂瑤臺瓊室方爲宮殿者乎土階采椽而非帝王者
乎是知非天下曰奉一人乃一人曰主天下也民惟國本本固邦
寧百姓足孰與不足今所營構務從節儉無令雕牆峻宇復起于
當今欲使卑宮菲食將貽于後世有司明爲條格稱朕意焉

隋書
煬帝

上紀

立蕭皇后詔

大業元年正月壬辰

朕祗承丕緒、憲章在昔、爰建長秋、用承饗薦、妃蕭氏夙稟成訓、婦

道克脩、宜正位軒闈、式弘柔教、可立爲皇后、

隋書蕭皇后傳

遣使巡省方俗詔

大業元年正月戊申

昔者哲王之治天下也、其在愛民乎、旣富而教、家給人足、故能風
淳俗厚、遠至邇安、治定功成、率由斯道、朕嗣膺寶祚、撫育黎獻、夙
夜戰兢、若臨川谷、雖則聿遵先緒、弗敢失墜、永言政術、多有缺然、
況目四海之遠、兆民之眾、未獲親臨、問其疾苦、每慮幽仄、莫舉冤
屈、不申一物、失所乃傷和氣、萬方有罪、責在朕躬、所目寤寐、增歎
而夕惕、載懷者也、今旣布政、惟始宜存寬大、可分遣使人巡省方
俗、宣揚風化、薦拔幽滯、申達幽枉、孝悌力田、給目優復、鰥寡孤獨、
不能自存者、量加賑濟、義夫節婦、旌表門閭、高年之老、加其版授、

竝依別條、賜呂粟帛、篤疾之徒、給侍丁者、雖有侍養之名、曾無酬贍之實、明加檢校、使得存養、若有名行顯著、操履脩潔、及學業才能一藝可取、咸宜訪採、將身入朝、所在州縣、已禮發遣、其有蠹政害人、不便于時者、使還之日、具錄奏聞、

隋書楊帝紀上

聽民詣朝堂封奏詔

大業元年三月戊申

聽採輿頌、謀及庶民、故能審政刑之得失、是知昧旦思治、欲使幽枉必達、彝倫有章、而牧宰任稱、朝委苟爲、徼幸已求、攷課虛立、殿最不存、治實綱紀、于是弗理冤屈、所已莫申、關河重阻、無由自達、朕故建立東京、躬親存問、今將巡歷淮海、觀省風俗、眷求讜言、徒繁詞翰、而鄉校之內、闕爾無聞、惟然夕惕、用忘輿寢、其民下有知州縣官人政治苛刻、侵害百姓、背公徇私、不便于民者、宜聽詣朝堂封奏、庶乎四聰已達、天下無冤、

隋書楊帝紀上

滕王綸衛王集原死詔

大業元年七月丙午

綸集旨附萼之華猶子之重磨之好爵匪由德進正應與國升降
休戚是同乃包藏妖禍誕縱邪僣在三之義愛敬俱淪急難之情
孔懷頓滅公卿議既如此覽旨潛然雖復王法無私恩從義斷但
法隱公族禮有親親致之極殊情所未忍

隋書衛王集傳

勸學詔

大業元年閏七月丙子

君民建國敎學爲先移風易俗必自茲始而言絕義乖多歷年代
進德脩業其道浸微漢採坑焚之餘不絕如線晉承板蕩之運埽
地將盡自時厥後軍國多虞雖復蠻宇時建示同愛禮函丈或陳
殆爲虛器遂使紆青拖紫非已學優製錦操刀類多牆面卜陵下
替網維靡立雅缺道消實由于此朕纂承洪緒思弘大訓將欲尊
師重道用闡厥繇講信修睦敦獎名敎方今宇宙平一文軌攸同
十步之內必有芳草四海之中豈無奇秀諸在家及見入學者若
有篤志好古耽悅典墳學行優敏堪膺時務所在採訪具以名聞

卽當隨其器能擢目不次若研精經術未願進仕者可依其執業
深淺門蔭高卑雖未升朝並量準給祿庶夫恟恟善誘不日成器
濟濟盈朝何遠之有其國子等學亦宜申明舊制敎習生徒具爲
課試之法以盡砥礪之道

隋書楊
帝紀上

詔脩高廟樂

大業元年

古先哲王經國成務莫不因人心而制禮則天明而作樂昔漢氏
諸廟別所樂亦不同至于光武之後始立共堂之制魏文承運初
營廟寢太祖一室獨爲別宮自茲之後兵車交爭制作規模日不
暇給伏惟高祖文皇帝功侔造物道濟生靈享薦宜殊樂舞須別
今若月祭時饗旣與諸祖共庭至于舞功獨于一室交違禮意未
合人情其詳議已聞

隋書音
樂志下

贈劉方詔

大業元年

方肅承廟略恭行天討飲冰邁邁視險若夷摧鋒直指出其不意

鯨鯢盡殪巢穴咸傾役不再勞肅清海外致身王事誠績可嘉可

贈上柱國盧國公

隋書劉方傳方征林邑還道遇患卒下詔

改封豆盧毓詔

大業初

故大將軍正義愍公毓臨節能固捐生殉國成為令典沒世不忘

象賢無墜德隆必祀改封雍丘愍侯復呂願師承襲

隋書豆盧毓傳大業初行

新令五等並除未幾帝復下詔

豐門子弟聽預宿衛近侍詔

大業初

罪不及嗣既弘至孝之道恩由義斷呂勸事君之節故羊鮒從戮

彌見叔向之誠季布立勲無預丁公之禍用能樹聲往代貽範將

來朕虛已為政思遵舊典推心待物每從寬政六位成象美厥含

弘一旨掩德甚非謂也諸犯罪被戮之門基已下親仍令合仕聽

預宿衛近侍之官

隋書刑法志開皇舊制豐門子弟不得居宿衛近侍之官煬帝乃下詔革前制又見通典一百

六十

四

旌先賢祠墓詔 大業二年五月乙卯

旌表先哲、式存饗祀。所目優禮、賢能顯彰。遺愛朕永鑒、前脩尙想名德。何嘗不興歎九原、屬懷千載。其自古已來、賢人君子、有能樹聲立德、佐世匡時、博利殊功、有益于人者、竝宜營立祠宇。自時致祭、墳壠之處、不得侵踐。有司量爲條式、稱朕意焉。隋書楊帝紀上

立楊素碑詔 大業二年

夫銘功彝器、紀德豐碑。所目垂名、迹于不朽。樹風聲于沒世、故楚景武公素、茂績元勲、劬勞王室、竭盡誠節。叶贊朕躬、故曰道邁三傑、功參十亂。未臻遐壽、遽戢清徽。春秋邈代、方縣歲祀。式播彤篆、用圖勲德。可立碑宰隄、已彰盛美。隋書楊素傳

給戶守古帝王陵墓詔 大業二年十二月庚寅

前代帝王、因時創業。君民建國、禮尊南面。而厯運推移、年世永久。丘壟殘毀、樵牧相趨。塋兆堙蕪、封樹莫辨。興言淪滅、有愴于懷。自

古已來帝王陵墓可給隨近十戶蠲其雜役隋書煬帝紀上呂供守親

將北巡下詔

大業三年四月庚辰

古者帝王觀風問俗皆所已憂勤兆庶安集遐荒白蕃夷內附未遑親撫山東經亂須加存恤今欲安集河北巡省趙魏所司依式

隋書煬

帝紀上

求賢詔 大業三年四月甲午

天下之重非獨治所安帝王之功豈一士之略自古明君哲后立政經邦何嘗不選賢與能收採幽滯周稱多士漢號得人常想前風載懷欽佇朕負辰鳳興冕旒待旦引領巖谷冀日周行冀與羣才共康庶績而兼茅寂寞投竿罕至豈讓美韜采未值良工將介石在懷確乎難拔永鑒前哲撫然興歎几朕在位譬諸股肱若濟巨川義同舟楫豈得保茲寵祿晦爾所知優游卒歲甚非謂也祈大夫之舉善良史已爲至公臧文仲之蔽賢尼父譏其竊位求諸

往古非無賢貶、宜思進善、用匡寡薄、大孝弟有聞、人倫之本、德行敦厚、立身之基、或節義可稱、或操履清潔、所已激貪勵俗、有益風化、強毅正直、執憲不撓、學業優敏、文才美秀、竝爲廊廟之用、實乃瑚璉之資、才堪將略、則拔之、已禦侮、膂力驍壯、則任之、已爪牙、爰及一藝可取、亦宜採錄、眾善畢舉、與時無棄、已此求治、庶幾非遠、文武有職事者、五品已上、宜依令十科舉人、有一于此、不必求備、朕當待已不次、隨才升擢、其見任九品已上官者、不在舉送之限、

隋書楊帝紀上

別建高祖廟詔

大業三年六月丁亥

聿追孝饗、德莫至焉、崇建寢廟、禮之大者、然則質文異代、損益殊時、學滅坑焚、經典散逸、憲章湮墜、廟堂制度、師說不同、所已世數多少、莫能是正、連室異宮、亦無準定、朕獲奉祖宗、欽承景業、永惟嚴配、思隆大典、于是詢謀有位、博訪儒術、咸已爲高祖文皇帝受

天明命奄有區夏、拯羣飛于四海、革凋敝于百王、恤獄緩刑、生靈
皆遂其性、輕徭薄賦、比屋各安其業、恢夷宇宙、混壹車書、東漸西
被、無思不服、南征北怨、俱荷來蘇、獨義乘風、歷代所弗至、辯髮左
衽、聲教所罕及、莫不厥角闕塞、頓顙闕庭、譯靡絕時、書無虛月、聃
戈偃武、天下晏如、嘉瑞休徵、表裏禔福、猗歟偉哉、無得而名者也、
朕又聞之、德厚者流光、治辨者禮緣、是曰周之文武、漢之高光、其
典章特立、謚號斯重、豈非緣情稱述、卽崇顯之義乎、高祖文皇帝
宜別建廟宇、已彰巍巍之德、仍遵月祭、用表蒸蒸之懷、有司已時
創造、務合典制、又名位既殊、禮亦異等、天子七廟、事著前經、諸侯
二昭、義有差降、故其已多爲貴、王者之禮、今可依用、監厥後昆、隋書

煬帝紀上

止突厥啟民可汗請變服飾詔

大業三年七月辛亥

先王建國、夷夏殊風、君子啟民、不求變俗、斷髮文身、咸安其性、旃

裘卉服各尙所宜固而利之其道弘矣何必化諸削衽縻曰長纓豈遂性之至理非包含之遠度衣服不同既辨要荒之敘庶類區別爛見天地之情

隋書突厥傳

優禮啟民可汗詔

大業三年七月辛亥

德合天地覆載所曰弗遺功格區寓聲教所曰咸泊至于梯山航海請受正朔襲冠解辮同彼臣民是故王會納貢義彰前冊呼韓入臣待曰殊禮突厥意利珍寶啟民可汗志懷沈毅世脩藩職往者挺身違難投足歸仁先朝嘉此款誠授曰徽號資其甲兵之眾收其破滅之餘復祀于既亡之國繼絕于不存之地斯固施均亭育澤漸要荒者矣朕曰薄德祇奉靈命思播遠猷光融令緒是曰親巡朔野撫寧藩服啟民深委誠心入奉朝覲率其種落拜首軒墀言念丹款良曰嘉尙宜隆榮數式優恆典可賜路車乘馬鼓吹幡旗贊拜不名位在諸侯王上

隋書突厥傳帝御千人大帳享啟民及其部落酋長復下詔

褒美樊子蓋詔 大業三年

設官之道必在用賢安人之術莫如善政龔汲振德化于前張杜垂清風于後共治天下實資良守子蓋幹局通敏操履清潔自剖符四服愛惠爲先撫道有方寬猛得所處朕膏不潤其質酌貪泉豈渝其性故能治績克彰課最之首凡厥在位莫匪王臣若能人思奉職各展其效朕將冕旒垂拱何憂不治哉

隋書樊子蓋傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全隋文卷四終

全隋文卷五

烏程嚴可均校輯

煬帝二

爲啟民可汗置城造屋詔

大業四年四月乙卯

突厥意利珍豆啟民可汗率領部落保附關塞遵奉朝化思改戎俗頻入謁覲屢有陳請旨璽牆毳幕事窮荒陋上棟下宇願同比屋誠心懇切朕之所重宜于萬壽成置城造屋其帷帳牀褥已上隨事量給務從優厚稱朕意焉

隋書煬帝紀上

立孔子後爲紹聖侯詔

大業四年十月丙午

先師尼父聖德在躬誕發天縱之資憲章文武之道命世膺期蘊茲素王而殞山之歎忽踰于千祀盛德之美不存于百代永惟懿範宜有優崇可立孔子後爲紹聖侯有司求其苗裔錄已申上

隋書

煬帝紀上

爲周漢魏晉立後詔

大業四年十月辛亥

昔周王下車首封唐虞之胤漢帝承祚亦命殷周之後皆所已褒
立先代憲章在昔朕嗣膺景業旁求雅訓有一弘益欽若令典已
爲周兼夏殷文質大備漢有天下車書混一魏晉沿襲風流未遠
竝宜立後已存繼絕之義有司可求其胄緒列聞

隋書楊
帝紀上

四科舉人詔

大業五年六月辛亥

諸郡學業該通才藝優洽膂力驍壯超絕等倫在官勤奮堪理政
事立性正直不避強禦四科舉人

隋書楊
帝紀上

給賜耆老詔

大業五年十月癸亥

優德尙齒載之典訓尊事乞言義彰膠序鸞熊爲師取非筋力方
叔元老克壯其猷朕永言稽古用求至治是已厯習黃髮更令收
敘務簡秩優無虧藥膳庶等臥治佇其弘益今歲耆老赴集者可
于近郡處置年七十以上疾患沈滯不堪居職卽給賜帛送還本

郡其官至七品已上者量給廩日終厥身

隋書
帝紀上

褒顯樊子蓋詔

大業五年

導德齊禮實惟共治懲惡勸善用明黜陟朕親巡河右觀省人風
所歷郡縣訪採治績罕遵法度多蹈刑網而金紫光祿大夫武威
太守樊子蓋執操清潔處涅不渝立身雅正臨人百簡威惠兼舉
寬猛相資故能畏而愛之不嚴斯治實字人之盛績有國之良臣
宜加褒顯已弘獎勵可右光祿大夫太守如故賜緋千匹粟麥二
千斛

隋書樊
子蓋傳

謹封爵詔

大業六年二月乙卯

夫帝圖草創王業艱難咸仗股肱叶同心德用能拯厥積運克膺
大寶然後疇庸茂賞開國承家誓曰山河傳之不朽近代喪亂四
海未一茅土妄假名實相乖歷茲永久莫能懲革皇運之初百度
伊始猶循舊貫未暇改作今天下交泰文軌攸同宜率遵先典永

垂大訓自今已後唯有功勳乃得賜封仍令子孫承襲隋書楊帝紀上

下樊子蓋詔大業六年

卿夙懷恭順深執誠心聞朕西巡欣然望幸丹款之至甚有可嘉

宜保此純誠克終其美隋書樊子蓋傳

幸涿郡詔大業七年二月壬午

武有七德先之曰安民政有六本興之曰教義高麗高元虧失藩

禮將欲問罪遼左恢宣勝略雖懷伐國仍事省方今往涿郡巡撫

民俗其河北諸郡及山西山東年九十已上者版授太守八十者

授縣令隋書楊帝紀上

征高麗詔大業八年正月壬午

天地大德降繁霜于秋令聖哲至仁著甲兵于刑典故知造化之

有肅殺義在無私帝王之用干戈蓋非獲已版泉丹浦莫匪襲行

取亂覆昏咸由順動況乎甘野誓師夏開承大禹之業商郊問罪

周發成文王之志、永監前載、屬當朕躬、粵我有階、誕膺靈命、兼三才而建極、一六合而爲家、提封所漸、細柳盤桃之外、聲教爰暨、紫舌黃枝之域、遠至邇安、罔不和會、功成治定、于是乎在、而高麗小醜、迷昏不恭、崇聚勃碣之間、薦食遼獫之境、雖復漢魏誅戮、巢窟暫傾、亂離多阻、種落還集、萃川鼓于往代、播實繁日迄今、騰彼華壤、翦爲夷類、歷年永久、惡稔既盈、天道禍淫、亡徵已兆、亂常敗德、非可勝圖、掩隱懷茲、惟日不足、移告之嚴、未嘗面受、朝覲之禮、莫肯躬親、誘納亡叛、不知紀極、充斥邊陲、亟勞烽候、關柝日之不靜、生人爲之廢業、在昔薄伐、已漏天網、既緩前禽之戮、未卽後服之誅、曾不懷恩、翻爲長惡、乃兼契丹之黨、虔劉海戍、習棘謁之服、侵軼遼西、又青丘之表、咸脩職貢、碧海之濱、同稟正朔、遂復敦攘琛寶、遏絕往來、虐及弗辜、誠而遇禍、輶軒奉使、爰暨海東、旌節所次、途經藩境、而擁塞道路、拒絕王人、無事君之心、豈爲臣之禮、此而

可忍孰不可容且法令苛酷賦斂煩重強臣豪族咸執國鈞明黨
比周已之成俗賄貨如市冤枉其中重已仍熾災凶北屋饑饉兵
戈不息徭役無期力竭轉輸身填溝壑百姓愁苦爰誰適從境內
哀惶不勝其獎迴首面內各懷性命之圖黃髮稚齒咸興酷毒之
歎省俗觀風爰屆幽朔弔人間罪無俟再駕于是親總六師用申
九伐拯厥陷危協從天意殄茲逋穢克爾先謀今宜授律啟行分
麾屈路掩勃澥而雷震歷夫餘已電埽比戈案甲誓旅而後行三
令五申必勝而後戰左第一軍可鏤方道第二軍可長岑道第三
軍可海冥道第四軍可蓋馬道第五軍可建安道第六軍可南蘇
道第七軍可遼東道第八軍可玄菟道第九軍可扶餘道第十軍
可朝鮮道第十一軍可沃沮道第十二軍可樂浪道右第一軍可
黏蟬道第二軍可含資道第三軍可渾彌道第四軍可臨屯道第
五軍可候城道第六軍可提奚道第七軍可路頓道第八軍可肅

恒道第九軍可碣石道第十軍可東曉道第十一軍可帶方道第十二軍可襄平道凡此眾軍先奉廟略絡繹引途總集平壤莫非如豺如貔之勇百戰百勝之雄顧所則山岳傾積叱吒則風雲騰鬱心德攸同爪牙斯在朕躬馭元戎爲其節度涉遼而東循海之右解倒懸于還裔問疾苦于遺黎其外輕齎遊關隨機赴響卷甲奮枚出其不意又滄海道軍舟艦千里高帆電逝巨艦雲飛橫斷沮江逕造平壤島嶼之望斯絕坎井之路已窮其餘被髮左衽之人控弦待發微盧彭濮之旅不謀同辭杖順臨逆人百其勇曰此眾戰勢等摧枯然則王者之師義存止殺聖人之教必也勝殘天罰有罪本在元惡人之多僻脅從罔治若高元泥首轅門自歸司寇卽宜解縛焚機弘之曰恩其餘臣人歸朝奉順咸加慰撫各安生業隨才任用無隔夷夏營壘所次務在整肅芻蕘有禁秋毫勿犯市曰恩宥喻曰禍福若其同惡相濟抗拒官軍國有常刑俾無

遺類明加曉示稱朕意焉

隋書楊帝紀下

存問從征家口詔

大業八年二月甲寅

朕觀風燕裔問罪遼濱文武叶力爪牙思奮莫不執銳勤王捨家從役罕蓄倉廩之資兼損播殖之務朕所日夕惕愀然慮其匱乏雖復素飽之眾情在忘私悅使之人宜從其厚諸行從一品以下飲飛募人目上家口郡縣宜數存問若有糧食乏少皆宜賑給或雖有田疇貧弱不能自耕種可于多丁富室勸課相助使夫居者有斂積之豐行役無顧後之慮

隋書楊帝紀下

贈諡褒鐵杖詔

大業八年三月

鐵杖志氣驍果夙著勳庸陪麾問罪陷陣先登節高義烈身隕功存興言至誠追懷傷悼宜賚殊榮用彰節德可贈光祿大夫衛國公諡曰武烈

隋書麥鐵杖傳

勳官不回授文武職詔

大業八年九月己丑

軍國異容、文武殊用、匡危拯難、固霸德攸興、化人成俗、則王道斯貴、時方撥亂、屠販可召、登朝世祿、隆平經術、然後升化、豐都爰肇、儒服無預于周行、建武之朝、功臣不參于吏職、自三方未一、四海交爭、不遑文教、唯尚武功、設官分職、罕曰才授、班朝治人、乃由勳敘、莫非拔足行陣、出自勇夫、敬學之道、旣所不習、政事之方、故亦無取、是非暗于在己、威福專于下吏、貪冒貨賄、不知紀極、蠹政害民、實由于此、自今已後、諸授勳官者、竝不得同授文武職事、庶遵彼更張、取類于調瑟、求諸名製、不傷于美錦、若吏部輒擬用者、御史卽宜糾彈、隋書楊帝紀下

下高昌王麴伯雅詔 大業八年

彰德嘉善、聖哲所隆、顯誠遂良、典謨貽則、光祿大夫、并國公、高昌王伯雅、識量經遠、器懷溫裕、丹款夙著、亮節遐宣、本自諸華、歷祚西壤、昔因多難、淪迫獯戎、數窮毀冕、剪爲胡服、自我皇隋、平一字

宙化偃九圖、德加四表、伯雅踰沙、忘阻奉贄來庭、觀禮容于舊章、慕威儀之盛典、于是襲纓解屨、削衽曳裾、變夷從夏、義光前載、可賜衣冠之具、仍班製造之式、并遣使人、部領將送、被曰采章、復見車服之美、棄彼擅寵、還爲冠帶之國、隋書高昌傳

下衛文昇詔 大業九年八月

近者妖氛充斥、擾動關河、文昇率勵義勇、應機響赴、表裏奮擊、摧破兇醜、宜升榮命、式弘賞典、可右光祿大夫、隋書衛玄傳

徙道就城詔 大業九年八月丁未

郡縣城去道過五里已上者徙就之、隋書楊帝紀下

改博陵爲高陽郡詔 大業九年十月乙酉

博陵昔爲定州、地居衝要、先皇歷試所基、王化斯遠、故曰道冠幽風、義高姚邑、朕巡撫氓庶、爰屆茲邦、瞻望郊廛、緬懷敬止、思所已宣、播德澤、覃被下人、崇祀顯號、式光令緒、可改博陵爲高陽郡、續

境內死罪已下給復一年

隋書賜帝紀下

下蘇威手詔

大業九年十月壬辰

玉呂潔潤丹紫莫能渝其質松表歲寒霜雪莫能凋其采可謂溫
仁勁直性之然乎房公威器懷溫裕識量弘雅早居端揆備悉國
章先皇舊臣朝之宿齒棟梁社稷弼諧朕躬守文奉法卑身率禮
昔漢之三傑輔惠帝者蕭何周之十亂佐成王者邵奭國之寶器
其在得賢參變台階具瞻斯允雖復事藉論道終期獻替銓衡時
務朝寄爲重可開府儀同三司餘竝如故

隋書蘇威傳

收葬遼東戰亡者詔

大業十年二月戊子

竭力王役致身戎事威由狗義莫匪勤誠委命草澤棄骸原野興
言念之每懷愍惻往年出軍問罪將屆遼濱廟算勝略具有進止
而諒愍因罔識成敗高穎復狠本無智謀臨三軍猶兒戲視人命
如草芥不遵成規坐貽撓退遂令死亡者眾不及埋藏今宜遣使

人分道收葬設祭于遼西郡立道場一所恩加泉壤庶弭窮魂之

冤澤及枯骨用弘仁者之惠

隋書煬帝紀下

三征高麗詔

大業十年二月辛卯

黃帝五十二戰成湯二十七征方乃德施諸侯令行天下盧芳小盜漢祖尙且親征隗囂餘燼光武猶自登瀛豈不欲除暴止戈勞而後逸者哉朕纂成寶業君臨天下日月所照風雨所沾孰非我臣獨隔聲教鼓爾高麗僻居荒表鳴張狼噬侮慢不恭鈔竊我邊陲侵軼我城鎮是日去歲出軍問罪遼碣殪長蛇于玄菟戮封豕于襄平扶餘眾軍風馳電逝追奔逐北徑踰沮水滄海舟楫衝賊腹心焚其城郭汙其宮室高元供饋泥首送款軍門尋請入朝歸罪司寇朕已許其改過乃詔班師而長惡不悛宴安鴟毒此而可忍孰不可容便可分命六師百道俱進朕當親執武節臨御諸軍秣馬九都觀兵遼水順天誅于海外救窮民于倒懸征伐已正之

明德已誅之、止除元惡、餘無所問、若有讖存亡之分、悟安危之機、翻然北首、自求多福、必其同惡相濟、抗拒王師、若火燎原、刑茲無赦、有司便宜宣布、咸使知聞、隋書煬帝紀下

詔報始畢可汗、大業十年

史蜀胡悉、忽領部落、走來至此、云背可汗、請我容納、突厥既是我

臣、彼有背叛、我當共殺、今已斬之、故令往報、隋書裴矩傳

令民悉城居、詔大業十一年二月庚午

設險守國、著自前經、重門禦暴、事彰往策、所居宅土、寧邦禁邪、固本而近代戰爭、居人散逸、田疇無任、乳郭不脩、遂使遊惰實繁、寇數未息、今天下平一、海內晏如、宜令人悉城居、田隨近給、使強弱相容、力役兼濟、穿窬無所厝其姦宄、藿蒲不得聚其逋逃、有司具爲事條、務令得所、隋書煬帝紀下

詔大業十一年

往年出軍將居遼濱廟算勝略具有進止

張溪雲谷
稌記四

下詔責蘇威

大業十二年七月

威立性朋黨好爲異端懷狹詭道微幸名利詆訶律令謗訕臺省
昔歲薄伐奉述先志凡預切問各盡胸臆而威不引閑懷遂無對
命啟沃之道其若是乎資敬之義何其甚薄

隋書蘇
威傳

宣詔放官奴

大業十四年

門下寒暑迭用所已成歲功也日月代明所已均勞逸也故士子
有游息之談農夫有休勞之節咨爾髡服服役甚勤執勞無怠埃
塈溢于爪髮蟣蝨結于兜鍪朕甚憫之俾爾休番從便噫戲無煩
方朔滑稽之請而從衛士遞上之文朕于侍從之間可謂恩矣可
依前件事

隋遺錄煬帝在江都直閣裴虔通虎賁將軍司馬德勤
等引左右屯衛將軍宇文文化及將謀亂因請放官奴分
直上下帝可奏即宣
詔于是有焚草之變

敕荅釋智越

大業元年正月

皇帝敬問括州天台寺沙門智越法師等餘寒道體如宜也。僧使智瑛至得書具意。釋藏起三國清百錄三

敕議天台山寺名

經論之內若爲尊于師氏勝于智者又前爲智者造寺權因山稱經論之內復有勝名可各述所懷朕自詳擇。同上

敕答釋智瑛允用國清寺名

此是我先師之靈瑞卽用卽用可取大牙殿牋填已雌黃書已大篆付使人安寺門。同上

敕釋智越

皇帝敕皇帝敬問括州國清寺沙門智越法師等僧使智瑛至得書具至懷天台福地實爲勝境所已敬爲智者建立伽藍法緣旣深尊師義重欲使宗匠遺範奉而弗墜菩薩淨業久而彌新然則去聖久遠學徒陵替規求利養不斷俗緣滋味甘腴違犯戒律此

字下脫弘

乃增長罪垢豈謂福田師等離有爲法求無上道棄俗諸漏鑒在雅懷猶須獎訓未學脩淨行俾夫法門等侶咸歸和合諸佛禁戒畢竟遵行又此寺嘉應事表先覺既理由冥感卽號國清寺并有施物用申隨喜冬序甚寒道體清豫朕巡省風俗爰屆江都瞻望山川載深勞想故遣兼通事舍人盧政力往指此不多具

四

百錄

敕賁寶威崔祖滌

昔漢末三方鼎立大吳之國呂稱人物故晉武帝云江東之有吳會猶江西之有汝潁衣冠人物千載一時及永嘉之末革夏衣纓盡過江表此乃天下之名都自平陳之後碩學通儒文人才子莫非彼至爾等著其風俗乃爲東夷之人度越禮義于爾等可乎然著述之體又無次序各賜杖一頓隋大業拾遺記楊帝初敕內史舍人賁威及起居舍人崔祖滌等撰區域圖志奏之又著月陽郡風俗曰吳人爲東夷帝不悅遣內史舍人柳陸宣敕賁威等別敕虞世基等脩十郡志

救度一千人出家

大業三年正月二十八日、菩薩戒弟子皇帝總持、稽首和南十方一切諸佛、十方一切尊法、十方一切賢聖僧、竊曰妙靈不測、感報之理遂通、因果相資、機應之徒無爽。是日初心爰發、震動波旬之宮、一念所臻、咫尺道場之地、雖則聚沙蓋鮮、實覆簣于耆山水滴已微、乃濫觴于法海、弟子階緣宿植、嗣膺寶命、臨御區宇、寧濟蒼生、而德化弗弘、刑罰未止、萬方有罪、實當憂責、百姓不足、用增塵累、夙夜戰兢、如臨淵谷、是日歸心種覺、必冀慈愍、謹于率土之內、建立勝緣、州別請假七日行道、仍總度一千人出家、自此功德、竝爲一切上及有頂、下至無間、蜎飛蠕動、預稟識性、無始惡業、今生罪垢、藉此善緣、皆得清淨、三塗拱獻、六趣怨親、同至菩提、一時作佛、

釋藏策五廣弘明集二十八上

北巡救百司

大業三年四月戊戌

百司不得踐暴禾稼其有須問爲路者有司計地所收卽已近倉

酬賜務從優厚

隋書楊帝紀上

宣敕齊王

大業三年

我昔階緣恩寵啟封晉陽出藩之初時年十二先帝立我于西朝堂乃令高顯虔慶則元昇等從內送王子相于我于時誠我曰曰汝幼沖未更世事今令子相作輔于汝事無大小皆可委之無得近昵小人疏遠子相若從我言者有益于社稷成立汝名行如不用此言唯國及身敗無日矣吾受敕之後奉旨周旋不敢失墜微子相之力吾無今日矣若與譽之從事一如子相也

隋書極譽之傳

又敕極譽之

今呂卿作輔于齊善思匡救之理副朕所望若齊王德業脩備富

貴自當鍾卿一門若有不善罪亦相及

同上

敕令牛弘宣旨高麗使

大業三年八月乙酉

朕曰啟民誠心奉國故親至其所明年當往涿郡爾還且語高麗
王知宜早來朝勿自疑懼存育之禮當同于啟民如或不朝必將
啟民巡行彼土隋書突厥傳

敕嚴竊盜刑

天下竊盜已上罪無輕重不待聞奏皆斬

隋書刑志

敕禁僧鳳抗禮

軍國有容華夷不革尊主崇上遠存名體資生運通理數有儀三
大懸于老宗兩敬立于釋庠條格久頒如何抗禮續高僧傳

全隋文卷五

十

賜進士出身二品銜廣東等處提刑按察使司按察使兼管驛傳事務黃岡王毓藻校刊

全隋文卷五終

全隋文卷六

烏程嚴可均校輯

煬帝三

聖書荅啟民可汗 大業三年七月

嶺北未靜、猶須征戰、但使好心孝順、何必改變衣服也、隋書突厥傳、啟民可汗上表請依大國服飾、聖書荅

國服飾、聖書荅

賜來護兒聖書 大業九年

公旋師之時、是朕敕公之日、君臣意合、遠同符契、臬此元惡、期在不遙、勒名太常、非公而誰也、北史七十六來護兒傳、賜玄感反進

攻洛陽、護兒即日迴軍、令子弘及整

驍驍奏聞帝甚悅乃降聖書

賜書召釋慧覺 慧覺姓孫、珠陵人、住硯山、栖霞寺、煬帝鎮江都、賜書

法師安善、寒暑惟宜、承柄遲龜山之域、闡揚龍樹之旨、其義端雄

傑、獨演、賜于稽陰、談柄微言、偏引汲于鏡水、弟子欽風、藉甚、味道

尤深。今于城內建慧日道場。延屈龍象。大弘佛事。盛轉法輪。上人
名稱普聞。眾所知識。今遣迎候。遲能光拂也。續高僧傳

與天台山眾令書

僧使灌頂智瓌至。覽十一月三日書。并陳靈龜應迹現形放光彈
指流音。應念傳響。斯實不思議力。變化多方。感悟有緣。示希有
慎終追遠。感歎相深。在昔雙林。示滅非滅。多寶獨塔。俟時涌現。
爰在須迹。迦葉分身。乃至鷲山。迦文留影。斜臺散彩。指端震室。
豈非像教。能度無邊。是大因緣。聞善知識。永惟宿昔。獲承師範。
德音盈耳。神光在目。方憑靈瑞。係踵菩提。肅承靈誥。宣慰南服。
山眾法徒。同志爲友。會成等侶。方共舟航。歲暮凝寒。念皆道勝。
天台名嶽。海岸所推。脩建大林。多慚重閭。三時設供。四事不周。
想甘禪悅。同法喜。其間敬德。信次相聞。今遣員外散騎侍郎張乾威。
送僧使還山。于舊所設供。庶同甘露。能變饑渴。亦憑香積。證道融銷。
書不盡

言反此無悉楊廣和南國清百錄

又令書

灌頂智瑛等至枉寺眾來書財施爲輕法門標重檀波羅蜜般若尊成不具兩緣盛俱解脫施受咸共忘言理至迹指盛復辭弗楊

廣和南國清百錄

下令延請釋灌頂開講法華仁壽二年

夏序炎赫道體休宜禪悅資神故多佳致近令慧日道場莊論二師講淨名經全用智者義疏判釋經文禪師既是大師高足法門委寄今遣延屈必希霽然并法華經疏隨使入京也佇遲來儀書

不盡意續高僧傳

施濟法寺僧法藏靈壽杖斂

每策此杖時賜相憶續高僧傳

手書召徐則

夫道得眾妙法體自然包涵二儀混成萬物人能弘道道不虛行
先生履德養空宗玄齊物深明義味曉達法門悅性沖玄怡神虛
白餐松餌朮棲息煙霞望赤城而待風雲遊玉堂而駕龍鳳雖復
藏名台岳猶且騰實江惟藉甚嘉猷有勞寤寐欽承素道久積虛
襟側席幽人夢想巖穴霜風已冷海氣將寒偃息茂林道體休念
昔商山四皓輕舉漢庭淮南八公來儀藩臥古今雖異山谷不殊
市朝之隱前賢已說導凡述聖非先生而誰故遣使人往彼延請
想無勞束帛賁然來思不待蒲輪去彼空谷希能屈已佇望披雲
隋書徐則傳文苑
英華六百八十八

下書葬徐則

天台重隱東海徐先生虛確居宗沖玄成德齊物處外檢行安身
草褐蒲衣餐松餌朮棲隱靈岳五十餘年卓矣仙木飄然勝氣千
尋萬頃莫測其涯寡人欲承道風久餐德素頻遣使乎遠此延屈

冀得虔受上法式建良緣至止甫爾未淹旬日厭塵羽化反眞靈
底身體柔軟顏色不變經方所謂屍解地仙者哉誠復師禮未申
而心許有在雖忘恒化猶愴于懷喪事所資隨須供給竟裳羽蓋
既且騰雲空柳餘衣詎藉墳壟但杖屨猶存示同俗法宜遣使人
送還天台定葬

隋書徐則傳

下書釋慧則

皇帝敬問婺州雙林寺慧則法師朕尊崇聖教重興三寶欲使一
切生靈咸蒙福力法師捨離塵俗投志法門專心講誦宣揚妙典
精誠如此深副朕懷既利益羣生當不辭勞也猶寒道體如宜今
遣使人指宣往意

隋化閭帖五

上言更定清廟歌辭

清廟歌辭文多浮麗不足已述宣功德請更議定

隋書音樂志下仁壽元年賜帝

初爲皇太子從嬖于太廟則兩非之乃上言

選陳尚書江總檄

南北雖殊風雲在望載懷虛遲寤寐爲勞獻歲猶寒比當清豫匡贊乎國良亦慤勤寡人忝膺朝寄董律專征跋涉山川今次江際公等文儒自立器用適時冠蓋二世齒德兼重孔老殊敎名墨異家金匱珠韜銀編玉策莫不磨于舌杪散在筆端竊古成敗之機近代安危之迹照同懸鏡明若觀火無待指南自應神悟猶恐思之未審差目臺釐聊煩翰墨略申梗概自宵昊生民樹之司牧義軒已降書契可紀咸一姓承立四海無兩帝漢道云季三方鼎立時惟板蕩世匪休明當塗起而蜀亡典午興而吳滅永嘉喪亂紫宸曠主劉石符姚之傳僞夏僭燕之醜安塵大寶事乖圖錄魏室乘時兆基朔野經始嵩洛未暇江湖有周受命敵非齊氏務在兼并不遑外略豈爾吳越自相君長竊擬王者之儀妄談天子之氣偷安假息絲歷世祀我大隋之肇開寶祚光有神州皇帝感曜魄

之靈應太微之座千年啟聖萬代一時深仁至德盛濟羣品越海窮河東漸西被旄頭之屬歷代之霸作我臣民徧司服裳惟彼江表獨隔皇風夫物極則反否終斯泰郭璞有云年經三百天下大同茲寶玄運已定于前聖主膺期而出欲曰區區之陳國違上天之冥數其不可存者一也大必包小天地之常規明能通暗日月之常理論道德曰唐陶而征有直語眾寡舉海內而當羣小在長江舟楫之用矜其積習而山川共有我據上游鼓棹之能吳楚不異高爐巨舫東西萬里扼喉撫背水陸千途彼之兵士不過十萬首尾分布所在危急加召屯戍邊方淹積歲序風雨日爲楸沐蟻蝨生于甲冑望我寬仁思倒戈戟通在戎行更成敵國守曰時且則魚爛土崩接曰鋒刃則鳥驚鹿走理在必然不假枚卜此不可存者二也豐侯好酒實喪厥邦梁伯役民潰其宗社彼之僞主覆車是襲日夜沈湎曾無節度繕造宮室莫知窮已竭四民之產荒

繼其心、斂百姓之哀、目爲己樂、寶衣玉食、填積後宮、短褐廢簞、不
充編戶一芥之善、蔑爾無聞、五子之歌、宛然悉備、雖欲勿喪、其可
得乎、此不可存者三也、僞主忌能護短、酷法淫刑、骨鯁之臣、盡見
疏斥、諫諍之士、皆被屠害、遐邇結舌、衣冠解體、人妖鬼怪、觸類呈
災、稚齒耆年、咸知殘滅、此不可存者四也、目此小邦、攝于大國、邊
烽夜動、照彼都城、戍鼓晨嚴、震其宮殿、累棊其二、方此未危、懸縲
千鈞、比斯非切、而莫知憂恐、更自矜矜、曾無事大之心、專行犯上
之志、侵軼我邊鄙、招納我叛亡、國家爰自受命、每從含養、敦曰鄰
睦、申其聘好、冀能守彼宗祏、靜其疆域、而長惡益甚、縱毒彌深、吳
會雄俊之人、湘郢耿介之士、乞師請命、盈庭滿闕、帝乃惘然、矜彼
黎獻、授鉞推轂、弔民伐罪、已有別詔、惟廢僞主之身、自餘士庶、曾
從肆眚、向所陳說、咸是格三、非曰游談、共相欺誤、且劉叔納譙周
之計而獲存、孫皓用薛瑩之詞而致禍、此二子者、終有良臣之譽、

皆無陷君之譏何則所恥者小所存者大昔口憲章往彥聿遵前軌
則爲主享封侯之業祖禰延血食之期江東士民實受其賜公等
身保榮貴名垂竹帛豈不美歟若膠柱不知守迷莫變率其蟻眾
敢拒王師軍有常刑悔無及矣禍成俄頃宜早圖之使人今還遲
有委曲言不盡意豈復多云楊廣白開業平陳記
文苑英華

詐爲蜀王秀檄文

逆臣賊子專弄威柄陛下唯守虛器一無所知隋書
人秀傳

指期問罪同上

遺史祥書

將軍總戎塞表胡虜清塵秣馬休兵猶事校獵足使李廣慚勇魏
尚愧能冠彼二賢獨在吾子昔余濫舉推轂治兵振皇靈于塞外
驅犬羊乎大漠于時同行軍旅契闊戎旃望龍城而衝冠眄狼居
而發憤將軍英國不世猛氣無前但物不遂心僂倪從事每一思

此我勞如何將軍宿心素志早同膠漆久而敬之方成魚水近者
陪隨鑾駕言旋上京本卽述職南蕃宣條下國不悟皇鑒曲發備
位少陽戰戰兢兢如臨冰谷至如建節邊境征伐四方寒帷作牧
綏撫百姓上稟成規下盡臣節是所願也乃竊甘心仰慕前脩庶
得自效其謬入守神器元良萬國身輕負重何曰克堪所望故人
匡其不逮比監國多暇養疾閑宮厭北閣之端居罷南皮之馳射
博望之苑旣乏名賢飛蓋之園理乖終宴親朋遠矣琴書寂然想
望吾賢疹如疾首

隋書史祥傳仁壽中率兵屯弘化
日備胡楊帝時在東宮遣祥書

與釋智顗書

三十五首

金風御節玉露調時道體休和安樂行不法師抗志名山棲心燕
定法門靜悅戒行熏滌藉甚微猷久承音德欽風已積味道爲勞
冀託舟航用披雲霧故遣使人往彼延屈希能輕舉日沃虛衿佇
望來儀不乖眷意也弟子楊廣和南

釋戴起二國
清百錄二

深具謙挹之旨、但高人遊處、觸地是安、然法宇僧坊、須盡嚴正、經云、四事供養、一不可虧、已勒有司、脩葺願忘懷受施也、弟子楊庶

和南

同上王治
禪眾寺書

卽用法諱弟子總持和南、柳願言還奉旨垂示六種捨施及畱受用弟子一日恭嘏、猶曰陋薄、不稱宿心、來旨旣曰轉施功德、彌爲增上、悲敬福田、深是平等、固非蔽識、所能周見、事事仰依其所畱者、旣已不多、願恆畱受用、旨遣報諮、謹和南

同上

弟子總持和南、履長戒辰、在俗咸慶、伏惟吐納禪慧、與時休和、弟

子稟受已來、粗堪靜攝、謹遣參承、謹和南

同上

弟子總持和南、爰逮來誨、須往荆楚、辭致首尾、仰具高懷、但祇稟淨戒、事成甫爾、宿昔疑滯、匪遑諮決、閣梨和尚、經稱勝田種子、雖投嘉禾、未植方用心形、永伸供養、庶憑善誘、日灑塵勞、凡厥共緣、依止有地、斯亦舟航兼運、利益弘多、如來化導、何必止還、天竺、菩

薩應變本無定方深願坦然目虛受物遲延展禮面當諮遜謹和
南上

弟子總持和南逮旨須取明二日垂別脩復未周便深傾欬弟子
前昨晝夜熟更惟忤智者至止呂來未經一夏兼荆潭路遠安居
將促江波浩蕩行程難期既去此處又不至前所半途結夏投止
亦難又案經律一夏供養安居僧福田無量況乎師道及大眾力
凡夫淺薄本資勝緣菩薩大慈須受應供暮春行謝首夏向臻九
旬忽遠四事虛弃脩心與理于情匪安今欲仰阻度夏發遣冀不
半途飄露脫疑下邑喧湫須依林壑安居攝山亦當爲便若法歲
將滿預勸蔣州裝船南出石頭西浮彌易既乘爽節因得順風夫
留之宜事理咸會此間彼處仰聽擇一意不可盡辭豈多宣謹和
南三月一日上同

弟子總持和南復逮今旨欲遂前心功德因緣豈敢違忤謹遵宿

願卽命所司發遣發日離晨仰聽仰撰庶解夏非遠秋水乘流賜
荅來期必當無爽川茲歡喜已觸悲歎謹和南上同

弟子總持和南爰述高旨騰請州僧所及竊已僧居望利食惟分
衛所立精舍本依聚落近年奉詔專征弔民伐罪江東混一海內
又寧塔安其堵市不易業斯亦智者備所明見而亡殷頑民不慚
懷土有苗恃險敢恣螳螂橫使寺塔焚燒如比屋流散鐘梵輟響
雞犬不聞廢寺同于火宅持鉢略成空返僧眾無依實可傷歎彼
地福盡方成丘墟所餘堂塔本不壞毀其有現僧亦許房住唯虛
廊檐宇會當倒壓所已移來還充寺館其外條版權借築城若空
寺步廡有完全者亦貸爲府解須一二年間民力展息卽于上江
結後已新酬故本勒所司具條孔目無慮零漏恐遠僧未能曲見
頓用仰誣必願言提冥諸其掌猥延滿札悚側良深謹和南上同
弟子總持和南垂誨述江州潯陽廬山東林寺峯頂寺須令弟子

竝爲檀越主、山嶺盤秀、下屬江湖、香鑪層峯、上虧雲日、仙人之所
戾止、隱淪于焉不歸、況乎慧遠法師勝依結構、謝客梁元、穿池重
閣、景師息心、神應峯頂、智者憩歷、踵武前賢、師嚴道尊、實深隨喜
所恨寡薄、無益將來、庶藉熏脩、方證常樂、兼陳二寺、偏近驛道、行
人往來、頗成混雜、須勒彼州、令去公私、使命不得停止、卽付所司
依事頒下、謹和南、三月一日、上同

弟子總持和南、奉旨、今日齋竟、卽事登舟、勝阻方遙、彌已傾欬、垂
示法相、雖文旨淵隲、源本難尋、而教門方便、開悟易益、恭承善誘、
永已受持、庶藉津梁、得無退轉、自服膺至道、每沾弘護、將事遐途、
復降良藥、沐浴慈被、伏用悽荷、謹和南、上同

弟子總持和南、親信傳仲說還、逮去月朔、旨用慰延、結熱猶熾、願
道體休和、仰承經過、攝山鍾岫、寺塔安善、徒眾和肅、仍畱二十僧、
權停間善、進至匡嶽、結夏安居、東林禪閣、還爲一寺、峯頂精舍、復

皆隨喜敬緣勸發獲此熏修用攝身出方流法雨金光明福喜荷
彌深弟子去月十四日始度朱方風土異宜流金在節攝衛多不
調適每有劣然二十九日來石頭稍已平復自江浦違心馳情彭
蠡日日爲歲無時暫忘願未解夏前預整裝束法歲若滿卽事西
浮彼間酬願務令在促非但弟子微識希護周爰深恐禪慧學徒
咸思鑽仰宣尼在陳致歎自衛便歸屈道紆情事非爲己今遣主
簿王灌指往祇承并貢別牒用忘存葆收略繁辭謹和南七月一
日法衣六件鹽一百斛米一百斛右件其鹽米悉出江州正倉王
灌齋合魚開送

同上王遣使
往匡山參書

弟子總持和南東林山寺使至逮八月八日誨用慰馳結仰承已
往衡山至當稍久法緣若竟願卽治流冀在歲陰必期展覲弟子
渡江還去月初移新住多有造次未善安立來旨勸日法事實用
慚悚始于所居外援建立慧日道場安置照禪師已下江陵論法

師亦已遠至于內援建立法雲道場安置潭州覺禪師已下卽建
深善輒已諮知仰承相次爲營功德深荷扶助難用遠陳而發此
至江州遂下請僧料云何能得相資前施鹽米其米迴入東林鹽
已上路盈長之外乃可別營功德今山僧返路行用仰酬尋別遣
使迎延願預整歸計江山遼遠豈盡誠曲謹和南十月十日同上
弟子總持和南歲聿云暮寒氣殊重禪悅經行願常安樂弟子頃
來每多勞疾但睽覲稍久唯用傾結仰度所營功德已當究竟今
遣左親信伏達奉迎願便事沿流延遲諮具謹和南十一月十五
日同上王遣使
潭州迎書

弟子總持和南暄和道體勝念仰揆衡嶽法事久當圓滿江陵功
德復應成就隨喜之至難用勝言弟子今入朝覲行次陵州馳仰
之誠與時而積故遣使人迎候希便進道來月下旬唯遲祇接路
首恩促豈復委宣謹和南二月二十二日同上王遣使
州迎書

弟子總持和南、仰運移歲、馳誠載勞、兼事入朝、彌增延屬、武關雖阻、荆近于吳、是已暫停陝州、遣使承接、行人返命、具奉覲縷、非唯年尊疾動、又已結夏安居、理事相推、固須停止、弟子還鎮、非久便願治流、仰會江都、庶應旦夕、將聖德果、亦復差機、因緣多端、請不勞慮、謹和南九月十日、同上王于長安遣書

弟子總持和南、僧使智邃來奉五月二日誨、用慰馳結、仰承衡嶽功德圓滿、便致荆巫、履涉虧和、深已傾悚、弟子于江都入朝、至陝關、眩瞽停岐陽、腹內又不調適、去月末還京輦、如欲相承、猶自羸瘠、未即祇觀、望雲延願、珍納行人、今返辭、豈宣貝謹和南、同上

弟子總持和南、奉旨于荊州當陽縣境玉泉山陁、爲建伽藍招提行道、圖寫地形、具已賜示、伏已布金偏地、買園建立、奉置三尊、永流萬代、唱誦所不能讚、算數所不能量、孰意輕微、頓蒙創造、循復來旨、爽然失厝、既事出神心、理生望表、無容違拒、苟作形迹、卽具

聞奏嘉號乃覃名符天冠道場聲滿恆沙世界福報仰歸遂辭難
涉謹和南上同

弟子總持和南垂旨令撰衡嶽禪師碑文郭有道之無愧辭高德
逾此陸士衡之披文想質弟子多慙旣蒙獎成敢不剋勵邯鄲絕
妙深恐難工還鎮病瘳庶或勉強循覽行狀用難思議佛澄道安
靈復過是謹和南上同

弟子總持和南垂賜萬春樹皮袈裟一緣述是梁武帝時外國唯
獻四領今餘一面是建初烏瓊法師所披謹尋菩薩戒稱所著袈
裟皆染使壞色況復自然嘉樹妙采天成相應之言無勞外假萬
春表長生之稱二翼合善譬之辭永服周旋恆充布薩常事半月
豈唯元日著如來衣深荷慈獎謹和南上同

弟子總持和南率口別牒五采幡錦香鑪檀等十種示表微誠薄
申法照抄陋追悚謹和南上同

弟子總持和南、仰道已入、馳係實深、獻歲非遙、傾遲虔禮、暮春屆節、當遣奉候、謹和南、九月二十四日、同上王在京遣書

弟子總持和南、適逮近旨、用慰馳情、春暄願道體康勝、玉泉創立道場嚴整、禪眾歸集、靜慧日新、隨喜之深、難已辭論、弟子始服三石散、竟調息勞心、秋仲歸養、請夏訖治下、在于拜覲、差當匪吝、其間珍德、今遣統軍魯子舉往祇承、謹和南、同上王在京遣書

弟子總持和南、仲秋轉冷、仰惟道體康念、弟子即日粗可行、末由虔禮、但增延結、願珍德、謹遣脩承、謹和南、同上王從駕東岱于路次書

總持和南、寒氣漸嚴、仰惟康豫、動寂怡神、興居安悅、弟子陪奉樂駕、旅次長奉、遠憑勝力行往安隱、瞻言祇覲、庶或匪遙、願珍重此、不宣具、謹和南、十月十九日、同上案隋書文紀十四年十二月東巡狩十五年三月至自東巡狩今

此兩書云仲秋云十月與史異當有一誤

弟子總持和南、獻歲春明、仰惟道體勝豫、禪悅法喜、眾咸集業、功

歸有在、悉由明導、敬憶江都、暫欲西上、先到衡嶽、用養師恩、次往
渚宮、已報生處、虔承此旨、衛送大江、陽子臨流、具申來請、卽蒙開
許、還至觀瀾、年來歲往、寒暑屢更、恭聞功德圓滿、遠難讚述、弟子
多幸、生在佛家、過庭所聞、匪直詩禮、轉輪斯奉、實惟旦暮、今者陪
扈、鑾輪、軟發自京、言停洛陽、又止歷下、崇望之禮、本自虞書、巡會
之聲、盛于姬典、至尊憲章、先古允叶、人神和風、指南奉朝、東岱、已
今月十二日吉辰、宗事云畢、于時天地載嘏、日月增華、休氣神光
燭近、被遠、靈芝競吐、山谷連木、竝秀宮壇、瘠野賸璧之徒、無醫而
自愈、扶老攜幼之侶、不謀而同到、臣子殫見、事非虛飾、一物得所、
萬里斯應、師資至重、敢不稍聞、弟子戀慕、卽辭行所、夾錚將末、必
屆揚州、今遣奉迎、便願沿下、餘春未盡、必希拜觀、其間珍德、續復
祇承、謹和南正月二十日、同上王還
蕃遣迎書

總持和南前撰菩薩天冠率爾之式樣深嫌不工卽用呈簡爰逮

今製思出神祕圖比目連妙逾郢匠開士五明此居其一金剛種
智茲焉標萬是知因地化物不可思議接引隨方多能盡達冠尊
于身端嚴稱首跪承頂戴覽鏡徘徊有飾陋容增華改觀弟子多
幸謬稟師資無量劫來悉憑開悟色心無作觸仰勝緣度脫舟航
何慮不果但戒爲基址信實行先保解毗尼昔年度受身雖疏漏
心護明珠而定品禪枝屏散歸靜猥目凡薄倚國鎮蕃爲子爲臣
難虧難怠豈藉四緣能入三昧此非臆斷實荷誠說經稱非禪不
智非智不禪定解相資能證無漏又電光斷結其例甚多慧解脫
人厥朋不少卽日欲服膺智斷率先名教永汎法流兼同治國未
知底滯可開化不師嚴道尊可降意不宿世根淺可發萌不菩薩
應機可遵時不若未堪敷化且暫息緣如可津梁便開祕藏書云
民生在三事之如一況覃釋典而不從師今之慊言備瀝素款成
就事重請棄飾辭謹和南六月二十一日

同上王謝天冠并
請淨名義疏書

弟子總持和南仰逮還旨猶秉謙尊循復久之恍如自失共功已
學貴承師事推物論歷求法界緣厝心自在若習毗曇則滯有情
著若脩三論又入空過甚成實雖復兼舉猶帶小乘釋論地持但
通一經之旨如使次第徧脩僧家尙難盡做況居俗而欲無崖當
今數論法師無過此地但恨不因禪發多起諍心達者無遠求那
明偈仰惟厚習善根非一生得初乃由學俄逢聖境南嶽禪師親
所記疏說法第一無日仰過照禪師來具述此事于時心喜已域
寸誠智者昔入陳朝彼國明式瓦官大集眾論鋒起榮公強口先
被折角兩瓊繼軌截獲交綏忍師讚歎唯唱希有弟子仰延之始
便事勝集屈登無畏釋難如流親所聽聞眾咸瞻仰適承前往荆
楚講法華經舊學名僧莫不歸服故知非禪不智驗乎金口比聞
名僧所說智者融會盡有階差譬若羣流歸乎大海此之包舉始
得佛意弟子即日而不依請譬彼彌勒今當問誰唯願未得令得

未度令度樂說無窮法施無盡復使願言稽首虔拜謹和南六月

二十五日

同上

弟子總持和南連旨送初卷義疏跪承法寶粗覽綱宗悉慙員外
耳未曾聞故知龍樹代佛不可思議今所著述肉眼未覩明開謹
復研尋遲比覲接謹和南

釋藏起三國清百錄三

弟子總持和南荊州玉泉十住兩寺近既賜令檢校今須書及江
陵總管當勒所由終聽僧使奢促弟子仰蒙淨戒宿世因緣稍希
義理智波羅蜜爰降開許始制義疏方憑沃荅向入慧門昔年仰
請棲霞時往觀行政爲密通朝發暮到應可諮決不異邑居行道
本貴安心靈勞過遠天台之路幸願輟情屈己爲人菩薩有賜于
專契弗敢違前都未知淨人善心已墮僧數濟度無隔唯用隨喜
謹和南七月二十七日

同上

總持和南復垂誨旨益具仁慈問土位懷隨感必應本誓願力何

患不果政言服道日淺未堪遠遣深憑護念開示悟入玉泉十住
天台本居仰由勝功能得建立方須影響永至金剛江陵書及會
稽教下疏勒所司日時發遣謹和南七月二十九日同上

總持和南方要仰延雨乃暫阻明間若晴別當遣信謹和南七月

二十六日

同上王迎入城
驟雨移日書

總持和南霜寒道體康勝弟子還來甫爾未暇迎延馳情已深今
遣候接冀近祇覲謹和南九月十六日同上

總持和南麥序氣清道體和適福慧莊嚴與時高勝弟子至來未

久粗復可行近頻降兩書爰垂示功德玄義刪削文句入初其舊

維新從靡至妙會須披接方豁煙雲春律已謝夏坐方結敢違經

教涉暑出迎白露宵圓秋風葉下必預舟楫迎觀江陽然仰勞若

述已涉數載般若多障近願成功日就月將庶方啟沃率貢別牒

示表虔誠在敬無文仰撥弘亮其間珍德續事音誼謹知南同上

王遣

使入天
治參書

總持和南霜氣已緊蚊熱久使方恐洞恆預取調適今遣奉迎祇
禮非奢謹和南九月二十二日同上王遣使
入天台迎書

總持和南仰承出天台已次到鄒后城寺感患未歇菩薩示疾在
疾亦愈但于翹誠交用悚灼今遣醫李膺往處治小得康損願徐
進路遲禮觀無遠謹和南同上王
參病書

與東林寺僧書

極喧法師道體如何眾內咸宜也雁門遠法師四依菩薩翻飛朔
野棲息南山自斯日後名德相繼智者見令為寺檀越願脩寡薄
非敢克當獎導既弘良深隨喜敬德指此承問楊廣和南三月二
十一日釋錢起二國
歲百餘二

與禪閣寺僧書

泰序將謝道體何如僧眾清善匡山佛寺興自慧遠法師法師師

于彌天道安、安師于佛圖澄、妙德相承、莫之爲最、江東龍藏、悉本
雁門、雁門上人、創迹廬阜、自梁及晉、止有東林、陳晚澆漓、別生禪
閣、僧徒好異、豈稱至和、智者爰居、還須合一、想均願海、更無異味、
行人將送過、指此相問、楊廣和南、三月二十一日、同上
與峯頂寺僧書

暮春暄和、寺眾清勝、禪悅法喜、致足恬懷、鑪峯香氣、煙霞共遠、智
者經託勝地、爲在總內、令爲檀越、誠深隨喜、更追厚愧、善當敬助、
楊廣和南、三月二十一日、同上

與達奚長儒書

智者禪師德尊望重、近年紆道、爰授淨戒、今脩治彼州十住寺、造
立西祖玉泉寺、竝見請爲檀越、復聞公等多結勝緣、大乘運通、良
深隨喜、師今遣僧使志果、法才二人、還就玉泉寺、法璨道慧法師
十住寺道臻法師經理、想加心彰、樂獎成妙業、公私覃福、幽顯同

賴法事遠白不復喧涼也楊廣呈八月二日齊書卷三

敘曹子建墨蹟

陳思王魏宗室子也世傳文章典麗而不言其書仁壽二年族孫
倬持旨遺余余觀夫字畫沈沈快而詞旨華緻想像其風儀玩閱不
已因書目冠于標首甲秀堂法帖

殤子銘

世途若幻生死如浮殤子何短彭祖何條嗚呼余子有逝無甞永
為法種長依法儔續高僧傳十口法藏揚帝進太尉時第三子
天瘞于濟法寺乃勒銘因施寺僧法藏靈壽林
隋秦孝王誄

維開皇二十年六月二十日丁丑上柱國秦孝王薨于仁壽宮嗚
呼哀哉八元八凱濟濟虞則周南召南赫赫周國於穆孝王紹彼
明德天寶喪子殤我剛克嗚呼哀哉如何上靈降此災否國喪宗
臣家亡千里嗚呼哀哉爰初不豫晁旒視疾及至大漸停鑾駐驪

親臨屬纊、俯觀徹瑟、悲動皇情、痛深慈膝、一辭明世、千秋長繫、
口如何、綿綿終古、仲秋卜宅、將歸泉戶、梁山之陽、永靈后土、嗚呼
哀哉、余寡兄弟、愛篤彌深、奄然零落、痛體傷心、嗚呼哀哉、追悼無
及、永分古今、神雖虛駭、微聲靡替、誅王德音、貽千百世、乃作誄曰、
皇隋啟運、應天順民、保茲七百、靜彼四鄰、利建宗子、藩屏懿親、孝
王惟允、俾侯于秦、爰自聖章、天性誠愿、色養烝烝、孝立名建、恭近
于禮、恥辱斯遠、嘉之弗忘、懼而無怨、孝悌之至、通于神明、溫溫居
德、肅肅厲精、恭敬表志、退讓爲情、韓此棠棣、敦斯鵲鶴、仲稱令弟、
叔曰仁兄、猗歟我弟、好學無替、九流日脩、三餘卒歲、琴臺夜閒、書
帷晝閑、聰敏若神、雄辯無滯、妙矣聲律、明哉龜筮、玄象風角、于焉
及睿、允文允武、多才多藝、惟善惟樂、爲仁爲惠、天挺出羣、英國命
世、欽若孝王、容止堂堂、振鷺將集、鳳雛斯翔、人之領袖、國之輝光、
輝光伊何、肅肅翼翼、義曰處身、仁曰經國、明燭繁符、財成淵塞、靖

恭爾位，好是正直，令聞令望，無反無側。皇枝亶幹，日富英聲。宣風
作伯，盤古維城。東京舊都，河南殷博。惟我哲王，行臺惟冥。飛轡峭
百塞，帳伊洛。德被汝墳，仁行鞏亳。西秦右地，實賴英雄。實惟王化，
乃卽龜蒙。惠和布澤，易俗移風。聖歷孝王，仁而能斷。德敷大國，有
符公旦。移鎮樊征，述職江漢。地接寇讎，稜威靖難。文德招遠，懷勞
伐叛。暫輟外藩，入侍天軒。典茲戎衛，仍居納言。寶劍橫曜，豐貂九
溫。周衛清切，敷奏便繁。獻替惟允，禁旅斯敦。僞陳不恭，軼我炎鄙。
王赫斯振，將清江漢。圖斯元帥，難全其儼。唯我孝王，將茲無愧。恭
行天討，受脤建旗。申威鄂渚，鞠旅江湄。軍容赴赴，連醜稔稔。雲陳
不布，高城靡恃。泥首銜璧，請命于台。兵不血刃，野無橫屍。善戰不
陣，我弟于茲。金陵戡定，飲至京師。廣陵淮海，一都之會。牧彼頑民，
作相于外。時雨隨車，棠陰逐蓋。惟晉太原，寄隆望大。表裏山河，要
衝襟帶。東自維揚，迴旋轉旆。善政廉平，于斯爲最。胡虜畏威，岷黎

荷賴烽火戎馬俱清邊界寒暑失御庸衛弗聞言旋京邸去彼蒼
臺扈駕仁壽撫席殿隈連綿樂餌歲去年來秀而不實禍極生災
天胡不弔木壞山摧嗚呼哀哉至尊廢朝而悼傷皇后輟膳而摧
痛甚秦國之永辭劇梁武之長送昆弟哀哀而日嗟僚友嗷嗷而
悲慟嗚呼哀哉歎日月之不居何卜遠之詎促旌旄飄飄而從風
笳管酸嘶而響谷服馬顧而不能行挽夫悲而不成曲霜霰落兮
山谷寒木葉下兮丘隴殘風颭颭而吟樹泉幽咽而悲湍離羣之
獸絕跡孤飛之鳥悲酸背離宮而東轉歷山邨而北度去甲第之
樓臺卽荒田之丘墓昔時鳴鑾而戒途今日靈輜而啟路臨朝謁
之平衢永絕茲之一步儼若神而有靈幾悲傷而留顧嗚呼哀哉
棄永日之昭昭襲長夜之悠悠苦玄扃而無曉悲黃泉而永幽潭
盛年于萬古溫壯志于千秋嗚呼哀哉慟反哭于秋季悲復歸于
故地尹形遊而不還何魂煢之空志嗚呼哀哉酒醺浮塵兮獨滿

琴絃含風兮自斷、冥夜何其何期、焉知歲月之長短、才王與我體
密情親、孔懷之篤、有踰常倫、昊天何酷、哀哉哲人、奈何吾弟、先我
長淪、煩冤痛毒、悲恨何陳、嗚呼哀哉、痛母弟之同胞、棄其破之寒
郊、豈止三荆之變色、非爲四鳥之分巢、遽一朝而云逝、曷何去而
何止、形未捨目、言猶在耳、彼蒼者天、子何其矣、嬾嬾友于、哀哀吾
子、痛當奈何、痛當何已、想髣髴而不見、猶盤桓而佇立、空撫膺而
莫追、抑飲淚而何及、嗚呼哀哉、嗟地久而天長、終淪彼乎幽方、徒
春華而秋落、不復見我弟兮、孝王何謝安之蔬食、豈子路之喪亡、
獨端憂而無告、徒哽塞而追傷、悲莫悲兮長別、痛莫痛兮終絕、因
悽愴目寫情、慟人琴而永訣、嗚呼哀哉、

文苑英華八
百四十二

賜進士出身二品銜廣東等處提刑按察使司按察使兼管驛傳事務黃岡王毓藻校刊

全隋文卷六終